

SS



Isus

Yesu alikufa

1 Yesu alikufa kwa wenye dhambi,
Acha dhambi zako umwone Mungu;
Patana na Yesu, utakuwa hai,
Kristo ndani ni taraja la utukufu.

**Umkiri na mwamini, Yesu, Mwokozi,
Roho asitoke kwako daima.**

2 Akuita wewe, mwenye mizigo,
Atakupokea akupumzishe;
Muda wa rehema, ziache dhambi,
Mungu atakusamehe akupe raha.
“Umkiri na mwamini, Yesu, Mwokozi,...”

3 Ukisamehewa kwa kifo chake,
Utaokolewa kwa uhai wake;
Akaavyo mwako usiogope,
Utashinda dunia, nafsi na Shetani.
“Umkiri na mwamini, Yesu, Mwokozi,...”

4 Tangaza injili iliyo kweli,
Umepatanishwa kwa kifo chake;
Ukimfuata katika nuru,
Damu ya Yesu itakutakasa kweli.
“Umkiri na mwamini, Yesu, Mwokozi,...”

Tungependa kumwona...#392

1 Tungependa kumwona Yesu kwani,
Maisha yetu yapita hima,
Tumwone ili imani izidi,
Na tuwe thabiti hadi mwisho.

2 Tumwone Yesu, msingi wa mwamba,
Ambao twasimama juu yake,
Usumbufu wa maisha na kifo
Hautatutoa tukimwona.

3 Tumwone Yesu, kwa kuwa vingine
Tulivyopenda vinafifa.
Baraka za dunia zinapita
Haidhuru kwetu, twakujia.

4 Tumwone Yesu ili tuzidishwe
Furaha, nguvu na utayari.
Tumwone akituombea sasa,
Ili tusikihofie kifo.

Mwokozi u fungu...#303

1 Mwokozi u fungu langu,
Zaidi ya uhai kwangu,
Katika safari yangu,
Nienende na wewe,
Pamoja na wewe,
Pamoja na wewe,
Katika safari yangu,
Nienende na wewe.

2 Sitafuti raha wala
Sifa za ulimwengu,
Nitastahimili yote
Ikiwa upo nami,
Pamoja na wewe,
Pamoja na wewe,
Nitastahimili yote
Ikiwa upo nami.

3 Niongoze safarini,
Kwenye shida nilinde
Na mwishoni niingie
Huko mbinguni nawe,
Pamoja na wewe,
Pamoja na wewe,
Na mwishoni niingie
Huko mbinguni nawe.

Bwana tufundishe...#34

1 Bwana tufundishe jinsi
Ya kuhesabu siku,
Ili tukazane zaidi
Kukusifu daima.

**Bwana tuwe na hekima,
Maadam siku zapita,
Naam, na tufanane nawe,
Hadi tufikapo juu.**

2 Tuhesabu siku zetu,
Tuone ni chache tu,
Utupe hekima yako
Ili tutende vema.
“Bwana tuwe na hekima,...”

3 Tuhesabu siku zetu,
Tuitamani haki,
Tusipoteze wakati,
U asili ya uhai.
“Bwana tuwe na hekima,...”

4 Tuhesabu siku zetu,
Tuzitumie zote,
Kwa kukuhudumu hadi
Kikomo cha safari.
“Bwana tuwe na hekima,...”

Njoni wachovu kwa Yesu...#94

1 Njoni wachovu kwa Yesu,
Njoni na kupumzika,
Jitwikeni nira yake,
Na kujifunza kwake.

**Je! umewahi kuona
Rafiki kama Yesu?
Akusubiri kwa hamu
Ili akuneemeshe.**

2 Yesu Mpole angoja,
Mwenye neema na kweli,
Umefidiwa kwa damu,
Mpe maisha yako.
“Je! umewahi kuona...”

3 Yesu Rafiki asema,
Njoo kwangu upumzike,
Ukiukosa wokovu,
Itakuwaje kwako?
“Je! umewahi kuona...”